

Broj: 02- 1387/18
Sarajevo: 19.3.2018. godina

Na osnovu člana 96. Zakona o osnovnom odgoju i obrazovanju („Službene novine Kantona Sarajevo“ broj 23/27 i 33/17), člana 70. Zakona o javnim nabavkama Bosne i Hercegovine ("Službeni glasnik BiH", broj 39/14) d o n o s i:

O D L U K U

I Poništava se postupak javne nabavke usluge prijevoza učenika u 2018. godini, broj obavještenja na portalu javnih nabavki: 8084-7-2-12-3-4/17 od 28.12.2017.godine.

II Ovom odlukom stavlja se van snage odluka o izboru najpovoljnijeg ponuđača broj: 02-1260/18 od 23.1.2018. godine.

III Ova odluka dostavlja se svim ponuđačima koji su učestvovali u postupku javne nabavke u roku od 7 dana, shodno članu 71. Zakona.

IV Ova Odluka objavit će se na web-stranici Ugovornog organa, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 02-1158/17 od 19.12.2017. godine. Obavještenje o nabavci je dana 28.12.2017.godine objavljeno na Portalu javnih nabavki broj: 8084-7-2-12-3-4/17. Javna nabavka je provedena putem konkurentskog zahtjeva za dostavu ponuda.

Komisija za nabavku usluge prijevoza učenika u 2018. godini, u daljem tekstu: Komisija, izvršila je otvaranje pristiglih ponuda i pročitala cijene kako slijedi:

1. Centrotans-Eurolines D.D. Sarajevo sa jediničnom cijenom od 26,12 KM po turi).
2. Globtour d.o.o. Međugorje sa ukupnom cijenom od 26.803,00KM (sa jediničnom cijenom od 19,26 KM po turi)

Analizom pristiglih ponuda, Komisija konstatuje da je ponuda ponuđača Centrotans-Eurolines D.D. Sarajevo neprihvatljiva jer sa jediničnom cijenom od 26,12 KM po turi (x 8 dnevno) znatno premašuje budžet škole za predmetnu nabavku.

Ponuda ponuđača Globtour d.o.o. Međugorje je jedina prihvatljiva jer ispunjava sve uslove tražene tenderskom dokumentacijom i sa jediničnom cijenom od 19,26 KM (X8 dnevno) odnosno ukupnom cijenom usluge od 26.803,00KM bez PDV-a ne prelazi budžet škole namijenjen za ovu nabavku.

S hodno navedenom Komisija je jednoglasno predložila direktorici da prihvati ponudu ponuđača Globtour d.o.o. Međugorje, koja je ocijenjena kao jedina prihvatljiva i koja je u skladu sa obezbjeđenim budžetskim sredstvima za ovu nabavku i iznosi 26.803,00KM bez PDV-a.

Ovaj ugovorni organ donio je odluku o izboru najpovoljnijeg ponuđača broj: 02-1260/18 od 23.1.2018. godine u postupku javne nabavke usluge prijevoza učenika kojom je prihvaćena ponuda ponuđača Globtour d.o.o. Međugorje, protokolirana pod brojem: 02-1191/18 od 11.1.2018. godine i ponuđaču Globtour d.o.o. Međugorje dodijeljen ugovor za predmetnu nabavku.